



DEO OPTIMO MAX.
UNI ET TRINO.

VIRGINI DELPARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS;
*manè discutienda, in Scholis Medicorum, die Jovis vigesima-quintâ
mensis Junii, anno Domini M. DCC. LXI.*

M. ANTONIO LE CAMUS, Regiarum Rupellensis &
Ambianensis Academiarum, necnon Societatis Litterariæ
Catalaunensis Socio, Doctore Medico, Præside.

An à Fluido Electrico, vita, motus & sensatio?

I.



INTER patentiora mundi miracula, nemo nescit quàm
eximie præstet materia electrica, quæ in toto rerum or-
dine sparsim & undique diffusa, physicis exercitationi-
bus non modò delectare, sed etiam maximas œconomix
naturalis partes agere videtur. Ast proh cœcam hominum mentem !



2

Fugit genuina ejus cognitio, cum juvat stupenda ipsius mirari phenomena. Apagè igitur omne vanum hypotheticumque ratiocinium, cum ex perpenſis potioribus Electricitatis effectibus, quid tandem in microcoſmo polleat, conjectare ſufficiat. Quidquid ſit materiæ electricæ indoles, ſive ignea, ſive ætherea, ſive quodcumque aliud ſubtile, ut amant dicere Cartheſiani, illud ſaltem experimentis comprobatur, fluidum eſſe tenuiſſimum, inflammabile, elatiſicum, maximè mobile & penetrantiſſimum, quod corpora pleraque minùs inflammabilia occupat, cætera attritu facilè permeat, & permeando ita vibratorie circumque divergendo agitatur, ut obvium quodcumque homogeneum vel allicit ſi levius, vel fortiter conſligat ſi gravius, tandemque in conſictu ſæpiſſimè excandeſcat. Hinc Electricitas, quæ pro vario materiæ contextu diverſa, levis, vehemens, abundans, rara & quandoque nulla erumpit; ſunt enim corpora ita electricæ materie reſerta, ut calore vel frictu mediante eam cæteris facilè partiantur, adeoque ipſam Electricitatem conferant: alia verò quæ nullam vel pauciſſimam in ſe continent, ſed ita proſtant ipſi pervia, ut ſi quando ſit illis ab alieno confluxu inducta, ſemper irrequieta fluat & reſuat, uſquedùm ad ambientia citiùs ociùſve, ſed prorsùs rota diſfluxerit. Porro inter priora, lapides, metalla, ſales, aqua, corpora viventia, & pleraque minùs inflammabilia; inter poſteriora autem vitrum, adamantes, lignum, electrum, ſulphur, reſinæ, corpora oleoſa, vel oleo imbuta, &c. potiſſimum annumerantur *. Àër unus eſt, vel eſſe videtur qui ipſam nec poſſidere nec recipere potis eſt, quin è contrà violentiſſimè repulſat, proindèque maximum præſtat Electricitati concitamentum. Talis eſt quam natura ſtatuit corporum *Electricorum* & *non Electricorum* diſtinctio; ſed rudiora hæc ſunt, nec benè præcipua materiæ virtutiſque electricæ delineamenta, ſiquidem longè aliæ ſunt quæ ſenſus effugiunt ac penè innumeræ in utrâque variandi rationes. Quis enim fluidi modos ſineſque auderit computare & circumſcribere, quod videtur portentosa quaſi actione, omnia & ſingula ad motum impellere, remota attrahere, proxima repellere, algida calefacere, tenebras illuſtrare, ignes procreare, fulmina producere, aliaque infinita ejuſmodi incantamenta proferre, quibus ſemper novas ac novas in dies

* Adhæremus ſententiæ R. P. Delaborde, qui primus, quòd noverim, hanc genuinam diſtinctionem cognovit & promulgavit in libro cui titulus, *le Claveſſin électrique*, &c.

prodendo vires, & stupentes oculos mirificè percellit, & curiosa mentis indaginem eludit? non igitur absonum videatur, si tot & tantas reputando Electricitatis proprietates, simulque supposititiam pensitando Spirituum Animalium hypothesim, totum evertamus. *Œconomia animalis systema*, & fluido electrico tribuendum sanciamus.

I I.

INERS torpensque jaceret recondita corporibus electrica materies, nisi perpetim urgente corporum heterogeneorum motu, tritu, concussu suis faciliè expediretur repagulis, circumquâquè moveretur, & quod præcipuum est, ad transfluxum, deinde ad conflictum propelleretur. Transfluere enim non modò, sed etiam confluere & confligi necessariò debet electrica materies, ut exerantur Electricitatis effectus; alioqui, non Electricitas, sed tantùm electrica materia fluxus habebitur. Quin imò nec omne corpus, nec motus omnis ad producendam Electricitatem valet, hæc enim absolutè requiritur conditio, ut homogenea heterogeneis, id est electrica non electricis, lævia villosis, debito modo invicemque terantur & fricentur; undè prorsus nulla vicens in ullo corpore Electricitas, nisi à conflictu materia electrica, nullus materia electrica conflictus, nisi ab ipsius transfluxu & refluxu; nullus denique transfluxus & refluxus, nisi ab actione reciproca vel collisione corporis electrici cum corpore non electrico. Frustrà itaque contendas Electricitatem cieri ex affricu corporis Electrici cum altero corpore electrico, neutro enim cedente materia electrica fardu, proindèque nullâ patente viâ quâ possit diffluere, interclusa manebit fluidi congeries; undè nullus transfluxus, nulla Electricitas. Eamdem à fortiori negaverimus de frictu corporis non electrici cum corpore non electrico, si quidem utrumque electrica materie inops, nullam sibi poterit impertire, juxta tritissimum illud, *nemo dat quod non habet*. Hisce breviter positis, constat nullum esse uberiorem Electricitatis fontem quàm corpus animale, cujus dissidentes omnimodæ materies indefinente motu super sese invicem agunt, & reagent, continuosque excitando conflictus, perennem cient Electricitatem, quæ si constanti tenore vigeat, vigebit sanitas, mo-

tus, sensatio; si cesset, cessabit & vita. Rectè igitur censuerimus corpus humanum machinam electricam, quæ primum à conceptu in motum acta, nunquam desistit, nisi cum, ætate vel casu distractâ partium elasticitate, mobilitate, sui tandem juris facta evanescat, vel claustris impedita subsidat electrica materies. Undè brevis juvenia, non tarda senectus, caduca sanitas, morbus insidians, mors ineluctabilis.

I I I.

JAM verò minùs gratis asserta videbitur vitalis Electricitas, si vel minimùm explorentur potissimæ corporis partes; cerebrum enim perspexerimus pulposâ, mollissimâ, albidâque substantiâ compactum, à circumferentiâ ad centrum tendens, & corpus callosum efformans, cujus lacteus candor non minùs quàm simplicior textus, lumini prout maximè analogus, homogeneam & consimilem electricam materiem vix non indubitanter arguit; medullam deindè nervosque appendere viderimus, ac in exquisitissimos tubulos desinere, quorum miranda tenuitas, albedo, simplicitas, & ut ita dicam, homogeneitas, non degenerem ab origine naturam referunt. Judicaverimus ergò aggregatam in cerebro fluidi electrici immensam quantitatem, quæ ab hâc sede, tanquam inexhausto fonte, suas elicit nervis partitiones, & in extremas usque tubulorum propagines, principium motûs, vitæ, sensûsque diffundit. Cor autem mediâ corporis cavitate repositum, motor apparebit præcipuus, qui jugiter tuditans, fluentem cum sanguine electricam materiem continuò dispellit, & vicissim ab eâdem refluyente concussus, ad motum semper excitatur. Porro vel ipse sanguis aquâ multâ, plurimo sale, imò & ferro constans, nihil proderit nisi plenissimam fluidi electrici scaturiginem, quæ perenni circuitu vasorum tubos indefinenter defricando, trans patentes heterogeneorum porulos liberè diffluit, nervorum stimulat electricam materiem, pulsus agit, repulsus patitur, adeoque alternum suscitans, à sanguine ad nervos & à nervis ad sanguinem fluxum & refluxum, vitalem Electricitatem producit, fovet, perpetuat. Hæ sunt præcipuæ corporis partes quæ fluidum electricum includunt; aliæ sunt quæ nullum continent, sed ita sunt ad Electricitatem necessariae, ut sine ipsis nulla ciciatur (*Vid. §. II.*)

3

Tales sunt omnes partes corporis oleosa, adiposa, quæ permeanti fluido transirum præbentes, plenam ipsi fluendi & refluendi libertatem præstant, à quâ penè rota Electricitatis summa.

I V.

VERUM, non eâdeni causâ vivunt & sentiunt animantia; deficit enim sensus superfluit vitâ, undè pro peculiari utriusque ratione, duplicem existimaverimus esse animantibus Electricitatis materiem, aliam quæ motibus vitalibus & mechanicis, aliam quæ sensationibus inservit. Prima quidem minùs compacta*, sed alias non abfimilis illi quæ in corporibus inanimatis advertitur, sanguinem, cerebrum, nervosque simul occupare censetur; alia verò physicis disquisitionibus minùs conspicua, minùs videtur posse justâ definitione aut comparatione designari: quocirca dixerimus cum Lucretio;

Quoque his igitur quædam natura necesse est

Attribuatur, (ea est omnino nominis experts:)

Quâ neque mobilius quiequam, neque tenuius existat;

De rerum naturâ, Lib. III.

Asserere autem non dubitamus ipsam à priori longè diversam, in cerebro & nervis duntaxat residere, ejusque particulas minutissimis annulis non malè comparabimus, qui faciles in contractionem & dilatationem flecti, nunquàm à se divergunt, sed ita inter se concatenati cohærent, ut si quidam ab ambientibus vel minimum attrectentur, statim impressa ipsis contractio, per totam nervorum seriem, ad extremos eorum fines & sine morâ pertingat; undè sensatio.

At, quod mobile tantoperè est, constare rotundis

Perquàm seminibus debet, perquàmque minutis,

Momine uti parvo possint impulsa moveri.

Ibidem.

Duplicem igitur Electricitatis materiem, cerebro & nervis inesse conjicimus, aliam subtiliorem & ipsis propriam, quâ mediante

* Minus compactam eâ ratione credimus, quòd suis collisionibus nullam videatur in corpore inflammationem concipere.

producitur sensatio, aliam minùs tenuem, quæ ipsi est cum sanguine communis, & cujus ope cientur motus, fovetur vita; ea nempe debuit ita institui à naturâ conditor, ut ritè perfici, nec sibi mutuo officere possent diversi diversarum partium actus. Si enim una esset sensationum & functionum vitalium causa, eâ datâ, semper simulque darentur vita & sensatio, nec posset, v. g. in arterias venasque protrudi sanguis, quin maximus excitaretur ubique sensus, adeoque perturbatim confusèque cientur functiones, & omnium perverteretur ordo; quòd prout œconomix animalis adversum, divinæque Sapientix repugnans, neutiquàm evenit, cum sanis corporibus, suo quæque ordine distinctè & ritè gerantur omnia, imòque dormientibus cuncti placidè peragantur vitales motus, quin tamen aut saltem rarè ulla percipiatur sensatio. Hinc diversa patet sensationi & vitæ Electricitatis ratio, sed magis in eo quòd ista à fluido divergente, illa sinè fluidi divergentiâ perficiatur; quippè si à nervis divergere posset sensationis materies, ubi primùm concuteretur, vagaretur ubique sensus, & diutius latiusque protraherentur sensationes; quòd benè providit rerum Conditor, qui fluidum electricum ità nervis intexit, ut ab ipsis nullatenùs possit amoveri. Hæc cum ita sint, jam videtur ad sensationem producendam, requiri & sufficere, ut subtilior, nervorum electrica materies ab aliis corporibus quoquo modo afficiatur, atque prout leniter aut violentè alternantur annulorum contractio & dilatatio, gratam vel molestam inferri sensationem, voluptatem aut dolorem induci, sed alterutrum neutiquàm persistere, nisi quatenùs persistit causa afficiens. Non prorsùs eadem ratione se habet vitæ, quæ non inchoatur, nisi cum inducta utero Electricitas, ovum ab ovariis deturbat, diversasque ejus materies ad mutuum conflictum impellit, undè continuo subsultu cõire & concurrere non desinentes, suis brevè displicantur epitomis, utero radicanter, sanguinem matris alliciunt, novas formas induunt, incrementa suscipiunt, sicque sensim ab informi materiâ, corpus humanum constituunt, cui suâ semper vigescente, à sanguine ad nervos, & à nervis ad sanguinem Electricitate, profunditur ubique vita, comparatur nutritio, informantur sensus, ac tandem inditâ mente fit Homo. Iridem & brevè patefceret motùs voluntarii ratio, si attenderimus mi-

nam hanc fibrarum mobilitatem, quam irritabilitatis nomine insignivit CELEBERRIMUS NATURÆ SCRUTATOR, nihil aliud esse quam vitalem Electricitatem quæ defunctis corporibus, nec ullo assultante heterogeneo desidet, attrectata autem subito reviget, adeoque tum illam in viventibus suscitari, cum sensatio interna vel externa quædam, hos vel illos stimulat nervorum annulos (de quibus supra) qui creberrimo & repedante contractionis & dilatationis motu, circumstantem Electricitatis materiem, ad partes quaslibet propellendo, musculorum irritationem, indeque partium motus mediatè concitant.

V.

PERSPECTIS hisce omnibus, patet quantam operam rebus physicis & naturalibus præstet Electricitas, quantum Physiologia lumen possit accersere ejus cognitio, quam denique facile & brevi ipsius ope explicentur abstrusiora æconomiae animalis negotia: ac quidem, ut præcipua summatim recensueamus, Quid variae vitae functiones aliud esse possint, quam diversae Electricitatis vices? Quid circulatio, nisi universalis toto corpore electricae materiae fluxus? Quid Respiratio, nisi perpetuus aëris in pulmones assultus, quo vividè concussis vasis pulmonaribus maximè concitatur sanguinis Electricitas? * Quid Digestio, nisi electricus & fervidus ingestorum conflictus, quo mediante brevè invicèmq; dissulant, & in tenuissimum rorem evadunt? Quid poris nativa absorptio & exhalatio, nisi vulgaris illa & communis Electricitati attractio & repulsio? Quid Nutritio, nisi nova electricae materiae accessio quæ labefacta recrudescit, & deperdita reparatur? Quid Vita, nisi perpetuus ejusdem fluxus & refluxus? Quid Sanitas, quid Morbus, nisi diversa ac proinde plus minùsve legitima æquilibriumque Electricitatis ratio? Quid Sensatio, nisi occasionalis & momentanea Electricitas quæ, contractili quassu, agitur nervorum propago? Quid Vigilia, nisi ille status corporis in quo continuâ sensationum & motuum successione, laceffitur ac tandem languescit nervorum electrica materies? Quid Somnus, nisi pacatus & quietus

* Plura essent super Respiratione referenda, sed quæ alijs dilucidanda relinquimus, cum hæc fusiorem expositionem vetet paginae & temporis angustia.

ejusdem status, per quem ab omni motu libera, placidè recreatur, perennante nihilominùs, imò revigescente nervorum & sanguinis Electricitate? Quid tandem Mors ipsa, nisi istius absoluta cessatio? Vitam igitur non modò, sed ipsos etiam vitæ sensus impertit Electricitas.

Ergò à Fluido Electrico, vita, motus & sensatio.

DOMINI DOCTORES DISPUTATURI.

M. Claudius - Thomas-Guillelmus Guilbert de Preval,

M. Simon-Antonius Brin-gaud.

M. Ludovicus-Guillelmus le Monnier, Primarius Medicus Regis ordinarius designatus, Regiarum Parisiensis, Londinensis ac Berolinensis Academiarum Socius, & in horto Regio Botanices Professor ac Demonstrator.

M. Jacobus Gourlez de la Motte.

M. Claudius - Josephus Gentil, Militarium Nosocomiorum ad Regis exercitum Medicus.

M. Josephus - Exuperius Bertin, Supremi Valachia & Moldavia Principis, dum viveret, Medicus ordinarius, & Regiæ Scientiarum Academiæ Socius veteranus,

M. Joannes-Baptista Basseville, Anatomæ & Artis Obstetriciæ in gratiam Matronarum Professor.

M. Edmundus - Thomas Moreau, Scholarum Professor.

M. Carolus Dionis,

Proponēbat Parisiis SIMON VACHER, Bisuntinus, in alimâ Universitate Bisuntinâ Doctor Medicus, Saluberrimæ Facultatis Medicinæ Parisiensis Baccalaureus, necnon exercitûs Regiî in Insulâ Corsicâ nuper Medicus, Theseos Auctor. A. R. S. H. 1761. A SEXTA AD MERIDIEM.